

INUIT ATAQATIGIIT

INATSISARTUNI



Kangaatsiaq, 05. marts 2014

Inatsisartut Suleriaasianni § 37 naapertorlugu Naalakkersuisunut imaattunik apeqquteqar-punga.

(Inatsisartuni ilaasortaq Hans Aronsen, Inuit Ataqtigiit)

Apeqqutit:

- 1. Qaasuitsup kommuniani kommunalbestyrelsemi ilaasortat ilaasa kom-muni 2009-mi pilersinneqarneraniik avitsinissamik suliaqarnerisa kingor-na, Kommunip avinneqarnissaanik innuttaasunik taasisitsinissamik suliniuteqartoqarnera Naalakkersuisunit inatsisitigut tamakkiisumik tun-ngavissaqarluartutut isigineqarpa?**
- 2. Naalakkersuisut Qaasuitsup kommuniani kommunip avinneqarnissaanut taasisitsinissaq piffissamik eqquilluartuusoraat?**
- 3. Naalakkersuisut isumaqarpat Qaasuitsup kommuniata pilersinneqarnera tamat oqartussaaqataanerannik innarliisoq?**
- 4. Qaasuitsup kommuniani kommunip avinneqarnissaa pillugu innuttaasunik 25. marts 2014-mi taasisitsinissamut kommuni inatsisitigut periarfissa-qarpa?**

Tunngavilersuut:

Ilisimaneqartutut Qaasuitsup kommuniata avinneqarnissaanut innuttaasut 25. marts 2014 taasillutik isummernissaat aalajangiunneqarpoq.

Tamannalu tunngaveqarpoq 2009-miilli kommuni Qaasuitsup kommuniatut pilersinne-qaqqaarmalli qinikkat ilaannit kommuni angivallaartutut isigineqarmat, tamallu oqartus-saaqataanerannik innarliisutut isigineqartuarmat.

Kommunemi qinikkatut allaffissornikkullu sulisunit sulianik annertuunik ilungersunartunillu unammillingassaqarfusoq ukiut tallimat ingerlareersut, saniatigullu avinneqarnissaanik suliaqarfusimasooq ilungersunarsimavoq.

Kiisalu Naalakkersuisut siuliisa avitsinissamik pilersaaruteqannginnerat naqissuserlugu massakkut Naalakkersuisut avitsinissamut tunngatillugu suliamut tapersersuinnginnertik oqariartuutigereernikuuat.